

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-585/07
Sarajevo, 26.06.2007. godine

Z A P I S N I K
**2. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 26. juna 2007. godine**

Sjednica je počela u 13.23.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predsjednicu Federacije Borjanu Krišto, potpredsjednike Federacije Spomenku Mičić i Mirsada Kebu, premijera Federacije Nedžada Brankovića, zamjenika premijera Gavрила Grahovca, ministre u Vladi Federacije Bosne i Hercegovine, predstavnike Međunarodne zajednice i međunarodnih organizacija, kao i predstavnike akreditiranih medijskih kuća i goste.

Odsustvo sa sjednice su opravdali: Alija Begović, Vanja Broćeta, Sead Čaušević, Igor Rajner, Slobodan Tomić, Denis Zvizdić i Ivo Komšić.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

S obzirom na to da je Vlada Federacije Bosne i Hercegovine dostavila Prijedlog Zakona o izmjenama Zakona o pečatu Federacije Bosne i Hercegovine s prijedlogom da se razmatra po hitnom postupku, predsjedavajući je pozvao delegate da se o tome izjasne.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz jedan glas protiv, prihvatio da se Prijedlog Zakona o izmjenama Zakona o pečatu Federacije Bosne i Hercegovine razmatra po hitnom postupku.

Kako nije bilo prijedloga za izmjenu i dopunu dnevnog reda, predsjedavajući je predloženi dnevni red dao na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, usvojio sljedeći:

DNEVNI RED

1. Prijedlog Zakona o izmjenama Zakona o pečatu Federacije Bosne i Hercegovine – hitni postupak

1. Prijedlog zakona o izmjenama Zakona o pečatu Federacije Bosne i Hercegovine

Prijedlog Zakona utvrdila je Vlada Federacije Bosne i Hercegovine.

Predstavnički dom je na 6. vanrednoj sjednici, održanoj 26.06.2007. godine, usvojio Prijedlog Zakona u tekstu kako ga je predložila Vlada Federacije Bosne i Hercegovine a usvojio je i Zaključak u vezi s tim.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je premijer Nedžad Branković.

U pretresu su učestvovali: Saša Magazinović, Jasenko Tufekčić, predsjednik Kluba delegata bošnjačkog naroda, Svetozar Pudarić, Drago Puzigaća, Mira Ljubijankić, predsjednica Kluba delegata srpskog naroda i premijer Nedžad Branković.

Mira Ljubijankić je, ispred Kluba delegata srpskog naroda, zatražila pauzu kako bi Klub zauzeo stav u vezi sa zastupljenošću ćirilice pisma na pečatu Federacije Bosne i Hercegovine.

Pauza 15 minuta.

* * *

Nakon pauze, Mira Ljubijankić obavijestila je delegate da je Klub delegata srpskog naroda predložio Zaključak koji je pročitala.

Potom je predsjedavajući dao na glasanje Prijedlog Zakona sa Zaključkom Kluba.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, usvojio Prijedlog Zakona o izmjenama Zakona o pečatu Federacije Bosne i Hercegovine i Zaključak Kluba delegata srpskog naroda, koji glasi:

ZAKLJUČAK

Klub delegata srpskog naroda traži od Komisije Parlamenta Federacije Bosne i Hercegovine za izradu obilježja Federacije Bosne i Hercegovine da ubrza rad i završi ga u roku od devedeset dana, a ukoliko ne završi traži od Vlade Federacije Bosne i Hercegovine da izađe sa prijedlogom izmjene Zakona o pečatu Federacije Bosne i Hercegovine na kojem će

biti oba pisma na sva tri službena jezika Federacije Bosne i Hercegovine.

* * *

Sjednica je završena u 14.29.

Magnetofonski snimak i prijepis snimka sjednice čine sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Stjepan Krešić